

Kekonenini Manitoba Okapeshiik ke kikentamiwaac



**Kaacitaapantamak
ki mashkawisiwinan
miina ki papaamisiwinan**

Minikok ke piintikekosiyān

Kiishpin maawac nishtam ki kapeshiiwinink epiintikekosiyān, naanta ewii pimi tipa haman ki kapeshiwin mishiinoyaki ekii owaakaahikaniyan, kiciinentaakwan ci nisitotaman ki mashkawisiwinan miina ki papaamisiikancikewinan kaawi pimi tipa hikeyan **minikok** masinahaman tipahikewi pepan. Ohoweniwan aaninta kekonan kika wii maamitonentaanan:

Apīi maacii nanaantonaman oshki kapeshiwin niwaakaahikan ke itaman, kecinaac eta ayinaapin aanti keyishi minwentaman ciishi taayan. Kiishpin moshkinepiihaman pepan miina kaa owaakaahikanic otaapinik ciishi kape shiwac, kiin ihiwe kapeshiwin. Kiishpin aantentaman ishkwaā otaapinikoyan, kikakii papaamisiikantaan ke inankintank kaa owaakaahikanic kiishpin ekaa piintikekosiyān.

Ki **kapeshiwin nahkomitiwin** iitok paa peshiko kiisis naanta nawac kinwensh (aatika peshikoyaki), ci kecinaawiyān cikii kape tipahaman ki nakomitiwin. Ki nakomitiwin takii ishi piihikaate, ikitonaaniwan, naanta ci initaakwak. Kiishpin inasinahikaatek:

- aasha ci ayaayan ki pepanom minikok niishitana peshiko kiishikaak ishkwaā masinahaman
- mii eta kekii aancicikaatek kiishpin kiin miina kaa owaakaahikanic inentamek



Naanta kika kakwecimiko ci tipahaman **mino kanawencikewin tipahikewin** minikok ke piintkekosyan kitoshki kapeshiwinink. Wahawe tipahikan naanta aapita peshiko kiisis nishtam kaa tipahaman ki kapeshi win ta inakinte. Kaa owaakaahikanic kika miinik tipahikewi pepanoni ci naakwak aasha ekii tipa haman ki mino kanawencikewin tipahikewin. Tipahikewi pepanonk ta naakwan:

- aani minikok eyaac mino kanawencikewin tipahikewin
- eshi kiishikaak kaakii tipahaman mino kanawencikewin tipahikewin
- aan eshi piihikaatek ki kapeshiwin

Kiishpin ayaawac **awahkaan** kakwecim kaa owaakaahikanic kiishpin awahkaan ank pakitinitwaa *minikok* ke masinahotisoyan kapeshiwi nakomitiwinink. Kiishpin pakitinikoyan ci otawahkaaniyan:

- kikakii kakwecimiko ci tipahaman awahkaan mino kanawencikewin tipahikewin naanta peshiko kiisis kapeshiwin tipahikewin minikok (ohowe tipahikewin *kaye* kika tipahaan aasha mino kanawencikewin tipahikewin kaakii tipahaman)
- ontinan pepan ciishi piihikaatek epakitinikoyan. Kecinaac “kaawin awahkaan” ishipiihikewinan ci niikatepiiikaatekin ki nakomitii wipepanonk minikok ke masinahotisoyan miina kakwetwen ciishi piihikaatek kitawahkaan epakitininc ci wiici kapeshiimik
- kiciwepahan naanta kakwetwen nipepanominaan “Renting with Pets” (ewiici kapeshiiminc awahkaan) kiyaapi wii kikentaman ke ishicikeyan

Ishkwaayaac, kakwecim kaa owaakaahikanic ci oshitoc piintike kosiyan **eshinaa kwak tipaacimowin** ci oshitoyek minikok ke piintike kosiyan. Kecinaac ci niisho masinahamek eshinaakwak tipaacimowin ci akine piihamek kaashi piikoshkaakin. Ohowe tipaacimowin takii aapatan ci naakwak kiishpin ekii piiikonikec ikoyan ishkwaa saakicikosyan. Kakwetwen peshikwek cimiinikoyan eshinaakwak tipaacimowin.

Miina kanwiiken...

- kakwetwen ci miinikoyan peshiko kici waahkaase kekii kanonac miina okitowin, kiishpin naanta kiciisiseyan



Ishkwaa piintikekosiyān

Apii piintikekosiyān kitoshki kapeshiwinink kika ayaanan papaamisiikancikewinan taapishkoc:

- ci tipahaman kikapeshiwin kaa inatamaakoyan
- ci kisiinaman ki kapeshiwin
- ci oshitoyan kiin naanta kikiiwikemak kaashi piikonamek
- ci kitenimatwaa kotakiink kaa kapeshiwaac

Ki kapeshiwi tipahikewin:

- Kaa owaakaahikanic kika miinik naanta nisokiisis ciishipihikec kiishpin wii nanka kintank kikapeshiwinini – peshikwaa eta takii nankakincikaate ishi peshiko aki.
- Kaa owaakaahikanic kikakii akintamaak pwaatawitipahaman kikapeshiwin. Aaniminikok kaa owaakaahikanic kekii akintamawik masinahikaate ki kapeshiwi nakomitiwinink.
- Kiishpin naanta ishisek ekaa mayaan cikii tipahamawac kaa owaakaahikanic, kecinaac shemaak wiintamaw kaa owaakaahikanic. Kakwe onaton aanapii ke tipahamawac kaashi niishoyek keshi minwentamek miina kakwecim kaa owaakaahikanic ihiwe ciishipihikec.

Ki peyatakenimowin:

- Kaa owaakaahikanic ci miinik masinahikanini (kanake 24 tahso waakaase miina kaawin awashime 14 tahso kiishikaa) minikok kepiintikec kikapeshiwinink, kiishpin oteta piintikanac.



- Kiishpin masinahikan miinikoyan, naanta kici kekon onciisisek, kaa owaakaahika nic takii piintike ki kapeshiwinink misawaac ekaa ihimaa ayaawac.

Ki peyatakisiwin onci:

- Kaa owaakaahikanic oka mino kanawentaan ki kapeshiwinini, ciishi naakotoc ahkiwikimaa kaa inacikec minoayaawinink, waakaahikan inacikewin miina peyatakisinink inacikewin.
- Papaashaac waweshicikewin oka totaan shemaak.

Kotakiink kaa wiicikapeshiimatwaa:

- Kiin miina kaa pikiiwikamikwaa ekaa ci onsaam wiitaciiwitoyan kotakiyak kaa kapeshiwaac ki waakaahikanink, kotakiink naanta ka owaakaahikanic.
- Kiishpin kotakiink wiitaatenimatwaa, kaa owaakaahikanic wiintamaw. Inateni ci naanaakatwentank ekaa kaashi minwentamwac.

Ekaa kaashi minwaapamac kaa owaakaahikanic:

- Ayamitin “Kiishpin ekaa nisitotaatiwin ayaak...” kaashi kishipihihaatek kotak, aaniin keshi wiicihik waticwan.

Saakikosiyān ki kapeshiwinink

Aanimentaakwan kaa ancikosic awiya, shaakoc aaninta ke aanimisekin takii wiimaashkikaatewan. Kiishpin kikentaman aasha wiipac ci ani saakikosiyān kikapeshiwinink, maamitonentan ohowe:



- Ci wiintamawac kaa owaakaahikanic ewii maaciikosiwac.
- Kiishpin taso kiisis tipahaman kikapeshiwin, kecinaac masinahamaw kaa owaakaa hikanic **ekaa mashi** tipahikeyan *pehiko* kiisis ci kikentank, naanta awashime. Aatika, kiishpin tipahikeyan kaa maatakinsoc miina wii saakikosiyān April nisomitana, aasha ci wiintamawac kaa owaakaahikanic March nisomitana *pehik* naanta wiipac.
- Mii enitaa inatek, kaawin kikakii maacikosisiin kaa onatek nahkomitiwin(*pehiko* aki) ekaa mashi kaa kishipak kitawihaason. Kiishpin wii saakikosiyān minkok kaa inatek, wiintamaw kaa owaakaahikanic aani kekii ishicikeyan. Eshkam ishise cikii kashkitoyan wiipac cikii sakikosiyān.

Kwaaci ahpin kakina ishkwaā saakikositoyan kitayaan...

- Kiin miina kaa owaakaahikanic kitaakii kiishitonaawaa saakikosiyān kapeshiwin eshi naakwak aacimowin kecinaac kapeshiwin ci pekak miina ci minwaashininik kotak kaawii piintikekosic.
- Kecinaac otaahpinan eshinaakwak kapeshiwin aacimowin ci ayaayan kakii miinikoyan ahpin kaakii piintikekosiyān kikapeshiwinink, ci asho aapacitoyan.

Kiin kipapaamisiikantan ci miinac kaa owaakaahikanic aanti eshikosiwac ci kashkitoc ci:

- kiiwe miinik mino kanawencikewin tipahikewin miina awahkaan piikonikewin tipa hikewin miina kishooniyaam oshooniyaakewin ishi niwishaapi kiisikaa ishkwaā saakikosiyān; naanta
- ci piicinishahamawik opepanom kekonini wii mawinewik wii kanawenimaac minsi we naanta pankii ki tipahikewin(an) ekaa mashi niishitana nishwaaso kiisikaanik ishkwaā saakikosiyān.

Kiishpin kaa owaakaahikanic kakwecimik ci saakicikosiyan ki kapeshiwinink, kika:

- miinik pepanoni ci aapacitoc kaa inapatanonik pepanoni, ci ishkwaaw kapeshiwac
- wiintamaak aaniinihi wenci kakwecimik ci saakicikosiwac, aatika:
 - ekaa ekii onci tipahaman kikapeshin ishkote naanta nipi
 - piikonaman inacikewinan, kaashi wiincikaatekin ki masinahamaakowinink
 - kaa owaakaahikanic kaa inapacitoc otipencikewinan (aatika, kici waweshicike winan, kii ataawaakec kapeshiwinini, kaye)

Aayeshkam ta ishise, kaa owaakaahikanic ta antawenimaa ci tipahank minsiwe naanta pankii kaa inakintenic kikosiwinini. Kikakii kakwecimishinaam kiyaapic wiintamaakewin ohowe onci.

Aaniminikok ke miinik kaashi antawentank kaa owaakaahikanic paapahkaaniseni ihiweniwan kaakii tashintamak pikakwecimishinaam wii kecinaahoyan ci tepise yan.

Kiishpin ekaa nisitotaatiwin ayaak...

- maamitonentan ci nakishkawac kaa owaakaahikanic ci miinonamek ekaa kaa nisi totaatiyek
- kikentan kitonaakonikewi nisitotamowinan, nisitotan kaa ishi macisek, maamito nentan kekii tocikaatekipan, kitenimiwen, peyatakisin, kakina kekon masinahan, ki kentan aanapii pahkaan neke keontakeshkaman kekon
- Waakaahikan Tipahikewin mishiinwaa okakii wiiciton ci miinonak pekaac, kitowin ink, keshi minwentaminic okapeshiin miina kaa owaakaahikanic
- kiishpin tashincikewin tetako kipicisek, okapeshii miina kaa owaakaahikanic okakii kanonaawaan Waakaahikan Tipahikewinan. Kekoneniwanikwen ishisewin, ninka onasaamin owiichiwe naanta ninka onato min keshi pisincikaatek kitaacimowin.



Pikanonishinaam

Kiishpin kiin naanta awiya kaa kikenimac nanaantonank kinwensh keshi taac naanta taso kiisis ci tipahank keshi kapeshic piinci Manitoba, kikakii wiichiko ci mikaman keshi mino kapeshiyan. Kanosh **Waakaahikan Tipahikewinan** watikwan peshonc kaa ayaak:

Piinci Winnipeg:

204-945-2476; ekaa kaa tipahikaatek 1-800-782-8403

Piinci Brandon:

204-726-6230; ekaa kaa tipahikaatek 1-800-656-8481

Piinci Thompson:

204-677-6496; ekaa kaa tipahikaatek 1-800-229-0639

Kiiwiken ni piiwaapik akocikaninaank ihimaa **www.manitoba.ca/rtb** kiyaapi wii kikentaman wiintamaakewin, antawentaman nintipaacimowi pepano naan naanta wii mikaman mishiin kikakwetwewinan keshi aashitencikaatekin nanaan tawi kapeshiwineyan ohomaa Manitoba.